

L'oume k'èst dins la lune.

Gaston Lucy -Echos de la Cité - 05.09.1968

In djoû, tins des sègneurs, in pôve bokion mankot d' bwès pou s'tchâfer.

I s'è dit :

-Dju m'va aler z'à kê dins les bwès du sègneûr. Çut'-çi n' valot rin, ç'astot ène vrêye brute avu ses sèrfs.

Lu pôve è don pris sa hache, pîs il è nn' alé après les bwès. Il avot djà loyî in fagot d'grosses coches, cand l'garde è arivé. Il avot sî les pas du voleûr su la nîve adjalée. Pasku c' t' afwêre-là s' passot à l' iviêr, à in moumint k' la lune ére dins s'plin. I fjot don clér coume en pli djoû.

Soumé d' s' èspliker, lu pôve è dit ku s' il astot là, c'est ki nn'avot l'drwat et il è tchèrdji l'fagot su sa spale. La-d'sus, lu garde li è dit du r'pôser l' fagot, ku c'ére du bwès volé.

-Eh bin, dit-i l'pôve, si c'est du bwès volé, ku mi et m' fagot sujanjent à l'minute pwârtés su la lune, dju l' vus bin, ca ile astot tèmwin cand l' sègneûr m' è dit d'côper du bwès ci-dlé.

Et ossi vite, loû et l' fagot sont r'trouvés s' la lune. Et i gn' è co ces djoûs d' plin.ne lune, k'on l'zi wèt.

C'est ç'ku lès vîs racontint, toudis. Et s'ils dijint, ç' èst k' ç' ére vrê !

Gaston LUCY

Raponti.yî pa Louwis BEDJOT lu 18 Juin 1996.

